

تۆرك يوردى

ناشرى : تۆرك يوردى .

مدىرى : آق چورە اوغلى يوسف .

صافى ۱۵

۳۱ مایس ۱۳۲۸

یل ۱

داغلر باقدم : بیه اویوجه داغلر کچیدلر : باقدم یماجلرند برالهنه ، برآتنه ،
برده سلاخنه کووه نهرک بوجنت یوردی فتح ایتمش آتاریمک خیالری نیرم یور . برلر
قاباند : بوکون بیلر طوبراقلرند آتنه لرمنک آیاق ایزلری چپچک آچمش ، عموجه لرمنک
سیجاق قانی قوقبور .. او طوبراقلری اویدم و عهد ایتمد :

یوردم ! سنی اونو تمامد ؛ بن باهامک اوغلی یم !

کوزم نوری آرم منم قاره دومان ایرم من .

بشیکم سک ، مزارم سک ، باهام سنسک ، آنام سن !

نشانلیم سک یاتاغکه یابانچیلر کیرم من ! ..

کوزنیه

علی رضا سیفی

تورک ماصاللری

۳

باشاق

قورقودنکین ... اسکی برتورک باشبوغنک آدیله آکیلان بوکوی بوکوله رک
ایلریله بن اوزون بریوغازک آخزند ، برتیه جک اوزرند در . بورادن گه نیش
ودوز بر اووا ایله اورتاسندن اکريله بوکريله کیده رک اوزاقلرد کولله بن
سونفور چاینک کوموشلی منظره سنی تماماً سیر ایده بیلیرسکز .

آلچاق طوبراق نولری ، قیصه وجوغی توتمز باجالری ، برر سیاه قبه
بکزمین اوت بیغینلی داملری ، جامورلی و کورملی سوقاقلریله بوکوی اوکوزل
یرلرد برلکه اوله رق قبوله مجبور اولورسکز . یالکیز چاریق برون حسین آغلک
جامور اوزرینه کیرچ بادانه ایدلمش ایکی قاتلی نهوی کوزلریکزم برتسلی رنکی
سریر .



بر آقشام ایشته اوئوده کچه دوشه لی براودانک دیوارلری کنارنده برچوق

کویلیلر صیرالانمشدی . بونلرک کیمی دیز چوکه رک ، کیمی باغداش قورارق ،
بعضی ناصیری ، و یومولماز نلارینی قاووشدیرمه چالیشارق اوطوریرکن
اوجاقده قرمزى و مائی آله ولرله یانان جام کوتوکلرینک کورولتوسنه آراصیره
ایجریسنه کومور پارچالری دوشن قوجامان برقهوه جزوه سنک فیکیرتییی
قاریشوردی .

یورغون کویلیلرک چوغی آسنه مکده ، اویوقلامقده .. برقسیمی بویونه
اوت قوقولی توتوننک دومانی صاوورمقده .. حاجیلرک کتیردیکی عود آغاجی
طاراقله صاقالتی قاریشدیران حسین اضا ایسه رمضانده کلن برجر خواجهمی
طرفندن مرائی وزوراوقونور برخطله قاپاغنه

» خانه می صحرا به قارشى کنديسى عاليجناب ،

.....»

یازیلی بر دولابک اوکنده کی کوشه یه اوطورمش درین درین دوشونمکده
ودالغینلقله ایری صدف دوکملی مائی چوقه یلکنک جیندن کوش زنجیرلی
ایری ساعتی صیق صیق چیقارارق ینه یرینه قویقمقده ایدی .

منفعتک قربانی یاشایان حسین آخادرت سندن برو بوغازی طولوسنه ایشلتدیکی
(طورخان) ک یاقینده عسکر ایدیه جکندن غایغیلانیوردی .. دیرکن بردن
فکرینده برتدیر جانلاندی ؛ اونى برمعینسز قیزله نهواندیرمکی دوشوندى .
کوجوک ، یشیل کوزلرینی چوقورلردن پارلاتارق اوراده کیلره :

— طورخانه بزم قومشو (نهمه تی) بی آلساق، ایکی کیمسه سزى سهویندیرسهک

فاصل اولور ؟ دیدی .

کندیلرینی بورجلانديران، ماللرینی نلارندن دایما اوجوز قوباران بو آدامه
قارشى هپسى بردن ، جعلی برطورله مقابله ایتدیلر :

— بزی هپسن دوشونه جکسک ، مالنز، جانمز سکا تسلیم . سن بیلیک آغا! .



(نهمه تی) قایادن اویولمش طار نهونده یایا یالکزدی . ۹۳ محاربه سننده

آلدینی روس قورشونلری ، حرب زحمتلری باباسنی وقتندن اول تولدیرمش ..

والده سیده بش آی اول اونک اولدینی یرمه کیتمش .. ایکی وجوده بدل تک
(نه مه تی) قالمشدی .

روحاً اختیارلامش اولان بوکنج قیز بوکون نه لئی چکه سنه دایا یارق قوروما یان
کوزلرینک صولغون ومنکشه باقیشلریله اووالری سوزرکن بردن صیجرادی ؛
آفانک بویوک قادینی کلییوردی . اللهم ، اونی زمریه اوطورتاجقدی ، اوکا
ناصل اکرام ایدمه جکدی ! . (توران) قانی دامارلرنده مسافری اعزازی امر
ایدیوردی ؛ بوکندیسی ایچون براحتیاجدی . بواحتیاجک تهوین ایدیلهمه مسی
زوالمی بی آزدی ، قهر ایتدی .. قادی کیدنجه فلاکت یوواسی اولان باشی
رطوبتلی طاش دیوارلره چاربیدی . پاچاورا مندرلره قاپاندی . آغلادی ،
آغلادی ...



بحران کچدی ، صاغناق دیندی .. (نه مه تی) مسافرک (طورخان) دایر
سویلدکلرینی ، تکلیفی خاطرلادی . ذاتاً نه لیدن نه کلیردی ، ناصلرد ایدمه ییلیردی ؛
برشی سویله یه مه مش ، حال دیلیله موافقت ایتمشدی .
شمیدی یکی برحال قارشیسندمه بولونیوردی . روحنده بر آرز باشقالق واردی .
(طورخان) ی طانیوردی ده .. چوق دفعه (نه مه تی) چشمه یه دستیسی
طولدیرمغه کیدنجه اونی بر شیلر میرلدانارق اوکوز ، آت ، اینک صولارکن
کوریردی . اونکله اصلا کوروشمه مش ، سویلشمه مشدی . لکن شیمدی
تصادف ایتکندنده قورقیور کیدی . نه مه تی غربت نه دریلمه دیکی حالدده غربت
تورکیلری نه دنسه - برچوق تورکلره اولدینی کبی - کندیسنه چوق تأثیر ایدر ،
غریب سیردی . بر آرا اونک سیاه بیقلری ، وقور کوزلری ، اوکله میال باشی ،
محجوب سیاهی کوزینک اوکله کلدی . قولاقلرنده طورخانک گوره ک سسی ،
سویلدیکی تورکیلرک بعض بیتلری ویزلدا یوردی :

غربت ایله . تولسم صوم کیم دوکه
نازلی یارم یوق که کفم دیکه
قوزم حسرتکله درد چکه چکه
آجیلدی یارملر .. ینیشری اوله ؟

بر سلام یوللادم جانان ایله
عجب شو کونلرده یتیشیری اوله ؟



نهایت آخانک دیدیکی یرینی بولدی ، طورخان نهمه تی بی آلمشدی . یدی ،
سکیز سنه لک ازدواج آغاچندن بویوک فاصله ایله ایکی میوه قوپارا بیلدیلر :
مسعوده ، طوغرول .. ایکنجیسی پک یگی ایدی .
آنا ایله بابا بونلری کوردکجه ایکی تولوی ئوده دک دییه سونیورلردی .
(طورخان) نهمه تی ، (نهمه تی) دده سنی کوچولمش ده ینه کندی آدلریله دنیا به
کلش صانیوردی .

نشترینی یالکز بر شی قاجیرمقدمه ایدی : حسین آغایه اولان دوکون
بورجی .. اصلی یدیوز آلتش اوج غروشدن عبارت بولونان بو برکتلی
بورج سنه لردن بری حالا توکنمه مشدی ؛ فقط بوسنه آرتق قورتولاجق لرتی
امید ایدهرک فکرلرندن نه قورونتولر کچمه یوردی . آغایه یالواروب یاقاراجق لر ،
آیری جیقارق کندی حسابلرینه چالیشاجق لر ، بوش یرلردن کندیلرینه تارلا
آچاقق لر ، اونلرده مال صاحبی اولاجق لردی .
هرکون ککه لیه رک « بزم تارلامز نهمه ده ؟ » دیه سوران طومبول مسعوده به
« ایشته ! » دییه بیله جکلردی .



حرمن زمانی کلشدی . (طورخان) آلتون باشاقلریله حاره له نن که نیش
تارلاری - کوکسنی آجوب بول قوللی کوملکنک یکلرینی صیوایارق قاووریحی
برکونش آلتده نهمه لده اوزون صابی برطیربان - کونلرجه بیجیدی . چیزکیلی
آلتندن ترلر بوشانیور ، وجودی صو ایچنده قالییوردی . بغدادی جیقارمق ،
صهان یایمق ایچین کندیسی کی برخدمتکارله کیجه حرمن یرنده یاتیور ، بیلدیزلره
قارشى او یویوردی .

برکون (طورخان) کیفسزلندی . تتره یور و « بوکروم ! » دییور ، همده
بوزکی سولر ساعتلرجه بوغازندن کچسین ایسته یوردی . (قاغنی) نک کولکه سندم .

ساعتلرجه یاتدی قالدی . آغاج دستیده کی صوی توکتدی . بر آراسنده لهرک
 « کیک بیکاری » نه قدار کیدوب قابناغک سویندن ایچدی . چاملرک آلتنه
 اوزاندی . روزکار خفیف خفیف آسییوردی . اوغولدايان و مغرور باشلری
 سالایان چاملر اوف ویا اوخ ! می دیور ، به لیرسزدی .
 قبا قوروق بوکون (طورخان) دن ایرمادی . اطرافنده طولاشیور ،
 بعضاً آجی بر سس چیقاریور . آراتق کلن یولجیلرک آرقاسندن تورک
 قوشمه یوردی .



آقشام بر مرکبه بیدیریلوب طورخان نهوه کوتورلدی . کونلر کچدکجه
 آغری آرتیور و نفس آلامایوردی .
 فلاکت بو تورک قادینه بر عزم بر فداکارلق ویردی . نههتی « بن
 قارائلقده قالیم ! » دیدی . نهوده نه قدار موم وارسه (سلجوق) تره سینه
 کوتوردی . یشیل نورتولی و یازیلی لحده باشی دایا یارق ساعتلرجه خنچردی ،
 یالواردی . صوکر (غایب سزده) به اوغرادى زیارتچیلر طرفندن شریت کبی
 اینجه و مختلف رنگلی پاچاورالر باغلامش اولان بنجره بارمقلقلریستک آراسندن
 ایجری باقدی .

قورقونج برسیاهلق قادینی تتره تمشدی . یاواش یاواش کوزلری گوشه به
 دایانان سنجاقله یوقاریدن آسیلان قندیلی فرق ایدم بیلدی . فاتحه اوقویوب
 دعالر ایستدی . چاتلاق نعلری یوزجکنه سوردی . یاشارمش کوزلرندن ایصلانان
 بارمقلریله یزمرده انتاریسندن به لیرسز رنگلی ، قیصه و چوروک سلی برپارچه
 قوبارارق بارمقلغه باغلادی .

ایرتسی کون صابره منلایه برقاب ایچنده کی صویه نهرینلش قورشون
 دوکدیردیکی وقت « نظر مش چانلادی ، قورتولدی ، ماشاء ! » دیدی .

کوی خواجه سی (ییلدیزنامه) آجارق یشیل سرلی برچناقده ! ایصلاتق
 اوزره ویردیکی (جلجلوتیه) و فقیله ، حاجی ایبش آغانک طواوتنده آسیلی بولونان
 جام قوزاغی شکنده کی کبه طوبراغندن برپارچه سی صویه قویدی ، ایچردی .

یدی قومشونک اشیکیندن یونغا کسه رک (اوزرلک) اوتیله توتوتدی .
هیچ فائده ایتمه یخه بویونونی بوکدی . درین برتسیلمیتله «اجل !» کله سنی
ایکله دی .



قاج کون سوکرا بیله مه یورم، قاییدن برتابوت چیقدی. اوزرنده (طورخان)ک
غنیلی بویوک کولاهی کورونیور .. قورووش دوداقلی، ایصلانمش طوپ طوپ
اولمش اوزون کیرییکلی برقادین حقیر برئوک اوکنده ، قوجاغنده بر چوجوق
ایچنی چکیور و مینی مینی برئوک قادینجیزک یامالی اتکنه صاریش، ایصلاق کوزلرینک
ایچنه باقییوردی .

تابوت معنوی برسکوت ایچنده آریلوب غائب اولمشدی . (نهمه تی) کوز
یاشلری دوکهرک یاورولریله - برکولکه کبی - خراب یووايه صوقولدی. سسنى
قویویورهرک بول یاشلرله اوزون مدت آغلادی .



آقشام بر قاج قادین «باشیک صاغ اولسون !» دیمکه کلیدیلر . ایس و دومان
چیقاران برقندیلک کیرلی ضیاسی آلتده بوايصنزلشان نهوه ایکی اوچ ساعت
تسلی صاحجه چالیشدیلر .

(نهمه تی) کیجه هیچ کوزلرینی یوممادی. قندیلی سوندیره رک قویوبرقارانلغه
کومولمشدی . (نهمه تی) به (طورخان) کینه اوراده اولدینی ظنی کلیور ..
آراسیره خلجانلی ، قوری و آچیلمش پرمقلى ایکی نل هر وقت یاتدینی یرک
سطحنده طولاشارق سوکرا قتور ایچنده حصیرلرک اوستنه دوشویوردی .

خوروزلر اوتمهک باشلادی . قارائلق نهریمش ، اسمرلشمشدی . فاصله لی
ومطرد نفسلرله اویویان ایکی معصومک یوزلری سحرک سیاه توللری آلتده
آرتق بر آز فرق ایدیلبیوردی .

(نهمه تی) اوفق یخره سنک برده سنی آچدی . اوزاقلرده نولر ، آغاچلر
طاغلر حالا سیم سیاه ایدی . یالکز افقار بر آز آغارمش، لاجورد سمانک رنکی

آچیلش ، ییلدیزلر صولغونلاشمشیدی . چوجقلری برداها سوزدی . اونلری کریهلی باقشلرله اوپدی .

شیمدی معیشتی دوشونویوردی . بویله کیسه سز نه یاپاچقلردی . آخ ، نه ییه جکلر ، ناصل کینه جکلردی ؟ . حقیقتک بو زهرلی سؤاللرینه جواب ویرمک قدرتی تورک قادینی روحنده بولمشدی . قاشلر چاتیلدی ، کوزلر عزمله بردن پارلادی ، دوداقلر قیمیلدادی . طاللی سرزنش ایدر کبی بر سس ، متین ووقور بر خطاب اودانک ایچنه یاییلدی :

تارلاردن (باشاق) طوبلار ، قوشلر کبی کچینیر .. یاورولریمی ینه یاشاتیرم !



بوتون حرمن صوکنی (نه مه تی) قیرلرده ، تارلارده کچیردی ، (طوغرول) ی بر طور بایه بکزمه ن قونداغیله یاننه آصار .. مسعوده نی برابر آلیر .. اوکنده اوچک ، نه لنده بر چوال ، تارلا تارلا طولاشیر .. یچلیرکن اوراقلرک ، طیربانلرک قیروب صاجدینی بوغدا ی ، آریا باشاقلرینی هرکون طوبلاردی .

کزمک ، طولاشمق ایچین نه وقت قیرلره کیتسم ، اوزاقلردن صاریشین تارلارده ، یرلردن برشیلر آلارق اوچکگنه قویان ، اکیلوب قالقان ، آرقاسنده سنده له یرک بر چوجوق طولاشان بر قادین قارالتیسی کوریردم .

قویونلر آغیللرینه ، یایلمغه کیدن صیغیرلر کویه .. اودونجیلر ، یولجیلر نه ولرینه کلیرکن (نه مه تی) نک ده (باشاق) طولو جوالیله آقشاملین قالاباقلاشان بوللردن سسز سسز کویه دونمک معنادی ایدی .

صوک بهارک خشین روز کارلریله برر صاری لکه کبی یرلره سهریلن آقاج ییراقلرینک اوزرلرینه دیکن باتمش ، یارالانش جیلاق آیاقلریله باصارق مسعوده کلیر ، قاپیلرینک یاننده کی طاشلرک اوزرینه اوطورور ، کونشک صوک صاری ضیالرینک اشیا اوزرنده کی یالدیدلری اوچار ، یاراسالر ، او پارچه پارچه ظلمتلر اوچغه باشلار ، چوق دفعه ینه اوطورور واسمر بوشلقلردن باهاسنی بکلردی . نه وه کیریجه ویا کتیریلنجه باهاسنی سورار ، هر وقتکی کبی « کله جک یاوروم ..

کله جک ! ، جواخی آلیردی .



آرتق قیش یاقلاشمشیدی . صباحلین سرین روز کارلر آسیور ، طاغلر بولولطله ، دومانله نورتولیوردی . قوشلرک جوغی صیجاق یرلره هجرت ایتشلردی . بوجکلر ، کله بکلر یوقدی . چیچکلر ، چنلر صولمشدی . نهمه تی طاش یوواسنده باشاقلری دوکمه کله مشغولدی . برکون قاپینک اوکنه چیقارق ، نهند بر قالبور ، روز کاره قارشى صاوورمق صورتیله بوغداپی ، آرباپی صمانلردن آیردی .

اودانک اورتاسنه قونان سکز ، اون کیله ذخیره بر آلتون بیغی ذوقی ورییوردی . آرتق آچلغک قورقونچ جهره سی قاپانمشدی . او آقشام بر قومشو قادین کله رک (نهمه تی) یی قوتلولادینی و « صاغلقله یه ییک ! » دیدیکی زمان طورغون وشبهه لی کبی بر سس درت نانیه قادارتأخردن صوکرآ ، درین بر توکله : « انشاالله ! » دیدی .



(نهمه تی) بعض صباحلر بلنه بر ایپ باغلار ، قولته بالطه یی طاقار ، بر قاج داملا کوزیانی دوکهرک (طورخان) ک چاریقلری آیاقلرینه کچیرر ، (قیزیل نوره) تپه سندن کیدر چالی کسر وصیرتنه یوکلنوب یاورولری اوشوتمه مک ایچین کتیرردی .

بوغداپک اوکونمه سی ده لازمدی ؛ لکن ایکی ، اوچ ساعتک ، ده کیرمه یالکز ناصل کیده جکدی ؟ صولر جوغلما دیغندن نسبة یاقین اولان سیل ده کیرمنلری ده هنوزایشله میوردی ، نه یاپاجقدی ؟ . هیچ اولمازسه بر مقدارینک اون یایدیرلمسی ایچین آغایه مراجعتی دوشوندی ، اونی آقشام نهند نمازینی بتررکن بولمشدی . ایشی آکلاندی ، دردینی دوکدی .

حسین آظا پک ایستکه دیکله یور ، خدمتکارلریله کوندروب اوکوتدیره جکنی وعد ایدیوردی . فقط آظانک یشیل کوزلرنده قیویلجملانان خان وشهوتلی پارلیتلر نهمه تینک یوزینی کوزینی ، نلارینی ایصیرماسه .. اونک عصمتلی روحنی یاقوب قاوورماسه ایدی !

کنج قادین نه وەکنجە اودانک یاری ایشیق کوشەلرندە یشیل سولی باطاققلرە
بکزمەن ایکی خان کوزلە قوجامان بر جارییق بورونک خیالی کورە رک تترە بور
ویالکز لگک ، کیمسە سز لگک نه فلا کتار کتیرە بیلە جگنی درین درین دوشو-
نیوردی .



آرادن آنجاق برهفته کچمشدی . کیمە یاری اولدیقندن خارجدە سس
کسیلمش ، هرشی اویقویە دالمش کیدی . بالکز آراسیرە أسن روزکارلرە باجا
خورولدا یوردی .

نەمەتی حالا اویویامامشدی . کیرلی ایشیقلی قندیلک آلتە دیز چوکه رک
مسعودە یە چوراب ئورییوردی . آز چیقان ، تترەن بر سسلە فیصلدا یورکی
برشیلر تغنی ایدی یوردی :

« سن قویسک بن قوییم سوزومە ،
دنیا کوزل اولسە کیرمن کوزومە :
سندن باشقە یار یاتیرم دیزبە ،
یاتیرسەم کنجلک حرامدر بکا . »



بکا کول دییورلر نەمە کولیم ؟
آیریلق دردینە دوشدم نیلیم ؟ »



« پیکار سنک نه بلالی باشک وار !
یارانک وار ، امنالک وار ، أشیک وار ،
فورتنەک وار بورانک وار ، قیشیک وار ،
اونک ایچین پیکار سویک طانایدر . »

قایینک اوکندن بر آیق یاتیرنسی طویارکی اولیور ، قیصیق نغمەلرە فصلەر
ویرییوردی . سوکرا بریسنک ، طولاشدیغە حکم ایتدیکندن قابی وورمغە ،
چارمغە باشلادی . کوپک بواوجارا یرندن بوساعتلرە کیمسە کچمزدی . عجبا
بوکیم ایدی ، نه ایدی ؟ . یارم ساعت سوکرا اویاتیردی کلەرک بردن طوردی
وجوروک قابی قاقیلدیغندن شکایت ایدرکی غیجردادی .

یرندن فیrolایان (نهمه تی) بردن قهرمانلشمش، کلی دیشلریله یازچه لایاجق
 برحال آلمشدی. قورقش و بویومش کوزلربی بالطیه فیrolاتدی. برآرا دیواره
 آسیلان بالایی قینندن چکدی. ایجه، جلیک یارمقلریله قبضه سنی صیقارق
 و ووره جق کبی بروضعیت آلاق «کیم او؟» دیه کوکره ایجه بودعوتنمز مسافر
 «آج، بنم!» دییوردی. بوکا متین برس «آجیلماز!» جوابی ویردی.
 اوزاقلاشان آلاق کورولتوسنی کوپکارک عوعولری تشیيع ایدرکن بوناموس
 خرسزی برداها کلیرسه اوکا نهمه تی «ایسترسک آجهیم. ایچریده سنی یالکیز
 بالطا وقلنج بکله یور.» دیمکی وقائی آجینی قارارلاشدیرییوردی.



صبح اولیوردی . بو آلاق باتیردی بردها ایشیدمدی . کونش هر شینه ،
هر قاجمه نوری تبسملر صاجان چهره سی افقدن کوسترنجه بو ، بوسبوتون
صاراران قادین قیزارمش کوزلرینی اوغوشدیرمرق قاییدن فیرلادی . سمایه ،
افقلره ، باجالرندن یاموق دومانلر چیقان ثولره بوش نظر لرله باقیسوردی .
نهایت کوزلری یرلره ، آیاقلرینک یانلرینه چوریلدیکی وقت بریلان بر عقرب
کورمش کبی وجودی صارصلدی . بر، ایکی دقیقه کوزلری یرده بر شینه دیکیلدی
قالدی .

اوراده برايز ، قوجامان نالجاسى و برجوق جيويسيله بر قوندوره ايزى
كورمشدى . كيمسه سيز برقادينك ناموسنى چيكنه مكه كلن بوملعون آياق ايزلرى
نمه تينك جوروك قايسنه قادار كلهر ك رطوبتى طويراقلرك اوزرندن دونوب
كيديور ونه ولرك آراسنده باشقا ايزلره قاريشيوردي .

بوتون کویلر جاریق ویمنی کیدکاری ایچین آقشام نه وه کیرمک ایسته یه نک
(آقا) دن باشقا هیچ برکیمسه اولمادیقنه قانع اولدی وباشنی سالایارق :
هیچ کیمسه دن برشی، بریاردیم بکله میه جکم، هرشی کئندمدن ... دیدی .



آراتق قیش کلشدی . طاغلر برر بیاس نورتو آتندہ یایوردی . صولر
جوغلدیغندن سیل ده کیرملری دوغمه باشلادی .

بر صبح (نهمه تی) اوجاغه اودونی ، کوتوکلری فضله قویدی . جوجقلرک
یورخانه ساریله رق اوشومه ملری ایچین یاتاقلرینی قالدیرمادی . طوغرولی ایجه
آمیزیدی . مسموده نك اوکنه اوج بش آووج قاوورقا [قاوریلش بوغداي]
قویدی . هرايکیسینی اویدی ، اویدی . مسموده یه : « آقشام کله جکم ، سزه
اون کتیره جکم . » دیدی .

صوکرآ چاریقلری آیاغنه باغلادی . اوفق بر بالطای قولتوغنه قیصدیرم رق
آقشامدن حاضرلادینی بویوکه برداغازجینی صیرتنه یوکلندی وقایودن جیقوب
کیتدی .

ایله ریلده قانبورلشمش بر انسان کورلویور کیتدکجه کوچوله رک بو قارالتی
بر قاج ساعتک قارلی طاغلره دوغرو آدیم آدیم اوزاقلاشیوردی .



(نهمه تی) ده کیرمه کیره رک برکوشه یه بوزلدی . تیره یور وفاصله سز بر
کورولتو قولاقلرینی اوغولدا تیوردی . بو هیج طانیادینی ، کورمیدی بربرده
بیلمیدی آداملر آره سنده ساعتلرجه بکله مک قادیغچکزک قاصاسنی آرتیرمشدی .
نوبت کندی نه کلنجه داغازجینی بوشالتدی . ده کرم حقی ویره رک بوغداینی
ایستدیکی اینجه لکده اوکوتدی .

کچ قالمادیغنی آقشامدن اول شه ، یاورولرینه قاووشاجقی حساب ایله
نه قادار سهوینیوردی ... داغازجینی اوموزلایارق یوللاندی . یاغمه باشلايان
قار کیتدکجه شدتلمکده ایدی . روزکارلر ، قارلری یوزینه کوزینه چاربدکجه
یولنی کورمن بر حاله کلیور ، داغازجنگ اییلرینی طوتان قیزارمش نه لری
یاواش یاواش گوشه یور ، قوتی غائب ایدیوردی . حتی بر قاج کره سنده لهدی ،
یرلره یوارلاندی ؛ فقط آتشی بروالده شفقتی اونی ینه قارلرک اوستدن
قالدیرمشدی .

کویک حرمن یرینه یوز آدیم قالمشدی که هر طرفنده قایشان اویشان
میلیونلرجه قارپارچه لری آره سنده اوزانان برچوق بوزلی نه لری متصل آنکلرندن

جکبور ، قولاقلرئیدن خورولدایان فورتنه اوکا آرتق « یورومه ! » تهیدینی
حایقربوردی .



اورتالق قاراردی .. (طوغرول) آغلا یور ، (مسعوده) هر آیاق سسندہ
والدہنی سایقلا یوردی .

قارلرله ثورتولش بروجودی قیرلردن کویه نقل ایدن یولجی ٹوک قایسینی
آجدینی وقت ظلمتلی بر چوجوق شطارتی یارمشدی .. ایکی معصوم
اوخشانارق باشقا بر ٹوه کوتورولدی .

ایکی کون صوکرا .. بر شنبہ آقشامی ، کویک توزلی سجاده لر ، چیچکلی
کلیملر سهریش جامعندہ بویوک شامدانلرہ دیکیلمش قالین موملرک یاغلی
قوقولری ، تترک ایشقاری آراسندہ یاتسی نمازینی بیترن کویلیلرک ناصیرلی
ٹہلری دعا ایچین آچیلدی . ختامندہ بر آغزیدن (صلاة تحینا) دعاسی اوقونورکن
(آفات .. سیأت .. محات) سجعلری قدسی بر اوغولتو ایله روحلرہ تسلیلر
ویریوردی .

جماعت چیقارکن امام افندی طاشلرک اوزرنندہ کی بوینو بوکوک ایکی یاوروینی
کوسترہ رک « ٹہمہ ٹنک یتملری » دیدی . (طوغرول) ی بر کویلی اولادلوق
کوتوردی . (مسعوده) یی بسلمه آرایان بر مأمور ایچین مختارک شہرہ کوندرمسی
قرارلاشدی .



معتاد اوزرہ قیرلرہ چیقمشدم . قورونک اورتہلرنندہ معدنلی برتپہ جکدہ
(طورخان) ک مزارینک یانندہ (ٹہمہ تی) نک تازہ قبری برسنه صوکرا دوزلہ نہجک
برطوپراق ییغینی حالندہ کوزیمہ ایلدشدی .

برکتلی اووالرا یچندہ سفائلہ ٹولہن ومعدنلرہ کومولہن بوایکی تورک وجودینک ..
وارقلر ایچسندہ یوقلق چکن ، هر کون ٹہزیلن آزالان باقیمسز ویتیم عرقک
بو ، چوق بویوک ملٹک ماتملرینی طوتارق اورالردن اوزاقلاشدم .